



門印
孫 176
卷 8



孫真人千金方衍義卷五下

長洲張璐路玉著

南沙席世臣郢客校

小小嬰孺方下 凡四類

咳嗽第六 方十四首

小兒出胎二百許日頭身患小小瘡治護小瘡復發
五月中忽小小咳嗽微溫和治之因變癩一日二十
過發四肢縮動背脊駢眇眼反須與氣絕良久復蘇
已與常治癩湯得快吐下經日不間爾後單與竹瀝
汁稍進一日一夕中合進一升許發時小疎明日與

此竹瀝湯得吐下發便大折其間猶稍稍與竹瀝汁

竹瀝湯方

竹瀝 五合

黃芩 三十銖

木防已

羚羊角

白朮 各六銖一作白蘇

大黃 二兩

茵芋 三銖

麻黃

白薇

桑寄生

葶藶 一方無

甘艸 各半兩

右十二味咬咀以水二升半煮取藥減半內竹瀝煎取一升分服二合相去一食久進一服

衍義

咳嗽有六淫七情經絡臟腑種種不侔此專因胎毒發瘡後變發癩與竹瀝治痰滌熱雖得小疎然

非吐下不能大朽其勢故用麻黃白薇開發肺氣於上卽用大黃黃芩竹瀝疎利大腸於下羚羊防已葶藶寄生茵芋專為熱毒發癩而設白朮甘艸和中實脾師旅之糧餉也

紫苑湯

治小兒中冷及傷寒暴嗽或上氣咽喉鳴氣逆或鼻塞清水出方

紫苑

杏仁

黃芩

當歸

甘艸

橘皮

青木香

麻黃

桂心 各六銖

大黃 一兩

右十味咬咀以水三升煮取九合去滓六十日至
百日兒一服二合半一百日至二百日兒一服三
合

衍義前方重在瘡毒發癩故用羚羊防已茵芋等味此
方專主寒嗽故取古今錄驗橘皮湯全方但加大
黃青木香二味以滌內積之乳癖不可拘於大人
治例也

五味子湯 治小兒風冷入肺上氣氣逆面青喘
迫咳嗽晝夜不息食則吐不下方

五味子

當歸 各半兩

麻黃

乾薑

桂心

人參

紫苑

甘艸 各一兩

欵冬花

細辛 各三銖

大黃 一兩半

白朮 二兩

右十二味咬咀以水二升半煮取九合去滓兒六
十日至百日一服二合半一百日至二百日一服
三合其大黃別浸一宿下細切一方無欵冬花大黃
有大棗三枚

衍義小兒風冷入肺咳嗽用麻桂薑辛欵冬甘苑當矣
以其有面青喘迫吐逆不下知肺胃之氣大虛非
藉人參不能安其胃氣非藉白朮不能止其吐逆

非藉五味不能斂其喘迫蓋小兒面青逆冷必非
伏熱假象但其咳嗽晝夜不息必有乳癖留滯於
中若係虛嗽火動則劇火靜則止定屬虛中挾痰
之象無疑非藉大黃不能滌其乳癖非藉當歸不
能和其血氣上三方總藉麻黃大黃內外上下兼
并之力也

治小兒大人咳逆短氣胸中吸吸呵出涕唾嗽出

臭膿方

燒淡竹瀝煮二十沸小兒一服二合日五服大

人一升亦日五服不妨食息乳哺

衍義此卽前第一方所言單與竹瀝汁之法也

治小兒寒熱咳逆膈中有乳癖若吐不欲食方

藥乾地黄四兩

麥冬

五味子

人蜜各半斤

大黃

硝石各二兩

右六味咬咀以水三升煮取一升去滓內硝石蜜

煮令沸服二合日三胸中當有宿乳汁一升許出

大者服五合

衍義地黃麥冬五味蜂蜜治久咳肺燥因膈中有乳癖

故用硝黃不用芫硝而用硝石專磨乳癖之用也

射干湯 治小兒咳逆喘息如水雞聲方

射干

麻黃

紫苑

甘艸

生薑

半夏

桂心

大棗

半夏

右八味咬咀以水七升煮取一升五合去滓內蜜五合煎一沸分溫服二合日三

衍義

此於金匱射干麻黃湯中除去細辛欵冬五味易入桂心甘艸蜂蜜雖主治與金匱無異而桂心和榮較細辛按肺之力稍緩甘艸和胃較五味收津之味稍平蜂蜜潤燥較欵冬散結之性稍和非若前五味子湯之有面青喘迫不得不藉參朮五味之收斂津氣也

又方

半夏

紫苑

桂心

生薑

細辛

阿膠

甘艸

蜜

欵冬花

右九味咬咀以水一斗煮半夏取六升去滓內諸藥煮取二升五合五歲兒服一升二歲兒服六合量兒大小多少加減之

衍義

前方專按風寒逆氣此方專按痰飲癥結雖所見之證與前無異而受病之源不侔也

杏仁圓 治大人小兒咳逆上氣方

杏仁三升熟搗如膏蜜一升為三分以一分內
杏仁搗令強更內一分搗之如膏又內一分搗
熟止先食已含咽之多少自在日三每服不得
過半方寸七則利

衍義杏仁為辛散肺氣之峻藥生用則治傷寒喘逆熬
黑則治結胸痰垢其耗氣之性可知此與蜜三分
和搗藉其甘溫潤澤以降肺逆可為曲盡製度之
妙然服不過半方寸七則利使肺氣從大腸降泄
無復咳逆上氣之患矣

又方

義半夏 二斤去皮河水洗六七度完用

甘艸 四兩

白礬 一斤

丁香

縮砂

川升麻 各四兩

右七味以好酒一斗與半夏拌和勻同浸春冬三

七日夏秋七日密封口日足取出用冷水急洗風

吹乾每服一粒嚼破用薑湯下或乾喫候六十日

乾方得服 疑非孫思邈方

衍義前方用蜂蜜製杏仁以潤肺燥咳逆此方用酒製
半夏以逐胃濕痰氣其白礬等味藉以解半夏之

毒并助胃健運之力耳

八味生薑煎 治少小嗽方

生薑 七兩

乾薑 四兩

桂心 二兩

甘草 一兩 欵冬花

紫苑 各三兩

杏仁 一斤 蜜 各一斤

右合諸藥為末微火上煎取如飴餈量其大小多少與兒含咽之百日小兒如棗核許日四五服甚有驗

衍義 此治肺氣咳嗽氣逆用蜂蜜者藉以制薑桂之燥也

四物欵冬圓 治小兒嗽晝瘥夜甚初不得息不能復啼方

欵冬花

紫苑 各一兩半

桂心 半兩

伏龍肝 六銖

右為末蜜和如泥取如棗核大傅乳頭令兒飲之日三傅之漸漸令兒飲之

衍義 咳嗽晝瘥夜甚在少年當責之陰虛在老人當責之血燥在小兒當責肺胃虛冷故用桂心伏龍肝之辛溫實脾以助欵冬紫苑溫肺之力

菖蒲圓 治小兒暴冷嗽及積風冷嗽兼氣逆鳴

方

菖蒲

烏頭

杏仁

礬石

細辛

皂莢

各六銖

欵冬花

乾薑

桂心

紫苑

各十銖

川椒

五銖

吳茱萸

六合

右十二味為末蜜丸如梧子三歲兒飲服五丸加至十九日三兒小以意減之兒大以意加之暴嗽數服便瘥

衍義

本經以菖蒲為風寒濕痺咳逆上氣要藥世人但知其有通心利竅明耳目出聲之功咳逆絕不知用是慮其溫燥也其辛烏薑桂椒萸總取辛溫散冷之用其妙尤在稀涎散之皂莢礬石助菖蒲開竅滌痰之力杏仁欵冬紫苑不過藉以引諸藥入肺經耳

桂枝湯

治少小十日已上至五十日卒無聲咳

吐乳嘔逆暴嗽晝夜不得息方

桂枝

半兩

甘艸

二兩半

紫苑

十八銖

麥冬

一兩十八銖

右四味咬咀以水二升煮取半升以綿著湯中捉綿滴兒口中晝夜四五過與之節乳哺

麻黃湯 治少小卒肩息上氣不得安此惡風入

肺方

麻黃 四兩

甘艸 一兩

桂心 五寸

五味子 半斤

半夏

生薑 各二兩

右六味咬咀以水五升煮取二升百日兒服一合

大小節度服之便愈

衍義

桂枝湯風傷衛藥也以本方無治警咳藥故去芍

藥薑棗而易紫苑門冬引領桂枝甘艸以開發肺

胃逆氣 麻黃湯寒傷榮藥也以本方無治肩息

藥故借小青龍去白芍細辛易生薑以辟除惡風

痰氣皆長沙方中變法豈特嬰兒主治哉

癖結脹滿第七

方三十首 灸法一首

雙紫圓 治小兒身熱頭痛食飲不消腹中脹滿

或小腹絞痛大小便不利或重下數起小兒無

異疾惟飲食過度不知自止哺乳失節或驚悸

寒熱惟此丸治之不瘥更可重服小兒欲下是

其蒸候哺食減少氣息不快夜啼不眠是腹內

不調悉宜用此丸不用他藥數用神驗方

林億等詳

例中凡云服紫丸者即前變蒸篇中四味者是也云服紫丸不下者服赤丸赤丸差駛病重者當用之方中並無赤丸而此用硃砂又力緊于紫丸疑此即赤丸也

巴豆

麩仁 各十
八銖

麥冬 十銖

甘艸 五銖

甘遂

硃砂 各三
銖

牡蠣

蠟 各八
銖

右八味以湯熟洗巴豆研新布絞去油別擣甘艸
 甘遂牡蠣麥門冬下篩訖研麩仁令極熟乃內散
 更擣二千杵藥燥不能相丸更入少蜜足之半歲
 兒服如荏子一雙一歲二歲兒服如半麻子一雙
 三四歲者服如麻子二丸五六歲者服如大麻子
 二丸七歲八歲服如小豆二丸九歲十歲微大於
 小豆二丸常以雞鳴時服至日出時不下者熱粥
 飲數合卽下丸皆雙出也下甚者飲以冷粥卽止
 小兒無異疾惟飲食之過度故宜巴豆之辛烈兼
 甘遂之苦寒以蕩練癖積麩仁除心腹邪熱結氣
 麥冬治腸中傷飽胃絡脈絕羸瘦短氣牡蠣散內
 結積熱蜂蠟清胃甘艸和中丹砂安神不使巴豆
 甘遂侵犯正氣也

治小兒胎中宿熱乳母飲食粗惡辛苦乳汁不起
 小兒乳哺不為肌膚心腹痞滿萎黃瘦瘠四肢痿
 躄繚戾服之可令充悅方

芍藥

柴胡 各二
兩

大黃

人參 各一兩

乾薑 如熟以枳實代

甘艸 各半兩

鱉甲

茯苓 各一兩半

右八味為末蜜丸如大豆服一九一歲已上乳服三九七歲兒服十九日二

衍義

嬰兒胎稟中有宿熱故取小柴胡以和之以半夏之辛燥故易茯苓黃芩苦寒故易鱉甲生薑辛散故易乾薑其芍藥大黃乃大柴胡中主藥去大棗不去人參甘艸者惡其膩膈取其安中也

牛黃圓 治小兒宿乳不消腹痛驚啼方

牛黃 三銖

附子 一枚

真珠

巴豆

杏仁 各一兩

右五味搗附子真珠為末下篩別搗巴豆杏仁令如泥內藥及牛黃搗一千二百杵藥成若乾入少蜜足之百日兒服如粟米一九三歲兒服如麻子一九五六歲兒服如胡豆一九日二先乳哺了服之膈上下悉當微轉藥丸出者病愈散出者更服以藥完出為度

芫硝紫圓 治小兒宿食癖氣痰飲往來寒熱不

欲食消瘦方

芫硝

大黃 各四兩

半夏

甘遂 各二兩

代赭 一兩

巴豆 二百枚

杏仁 一百二十枚

右七味為末別搗巴豆杏仁治如膏旋內藥末搗三千杵令相和合強者內少蜜百日兒服如胡豆一丸過百日至一歲服二丸隨兒大小以意節度當候兒大便中藥出為愈若不出更服如初治八歲已上兒熱結痰實不能食自下方

白芍

梔子

知母

大黃 各二兩

柴胡 二兩六銖

升麻

黃連

黃芩 各二兩半

竹葉 七升半

桔梗 一兩半

細辛 十五銖

右十一味咬咀以水六升煮取一升八合去滓分四服十歲兒為三服 一本有枳實杏仁各一兩半無桔梗黃連

治十五已下兒熱結多痰食飲減自下方

大黃

柴胡

黃芩

枳實 一兩十銖

升麻

白芍

知母

梔子 各二兩半

生薑 十八銖

杏仁 二兩

竹葉 切一升半

右十一味咬咀以水六升半煮取二升十歲至十

五者分三服

牛黃雙圓 治小兒結實乳食不消心腹痛方

牛黃 各半 太山甘遂 各半 真珠 六銖

杏仁 芍藥 黃芩 各一兩

巴豆 十八銖

右七味為末蜜丸一歲兒飲服如麻子二九但隨兒大小加減之

牛黃驚甲丸 治小小癩實壯熱食不消化中惡

忤氣方

牛黃 厚朴 茯苓

桂心 白芍 乾薑 各半兩

白麥麴 柴胡 大黃

驚甲 枳實 芎藭 各一兩

右十二味為末蜜丸如小豆大日三服以意量之

芫花圓 治小兒心下痞痰癰結聚腹大脹滿身

體壯熱不欲哺乳方

芫花 黃芩 各一兩 大黃

雄黃 各二兩半

右四味為末蜜和更擣一千杵三歲兒至一歲已

下服如粟米一九欲服丸內兒喉中令母與乳若

長服消病者當以意消息與服之與乳哺相避
真珠圓 治小兒痰實結聚宿癖羸露不能飲食

方

真珠 半兩

麥冬 一兩

麩仁 二百枚

巴豆 四十枚

右四味為末蜜丸期歲兒服二丸如小豆大二百日兒服如麻子二丸漸增以知為度當下病赤黃白黑葵汁下勿絕藥病盡下自止久服使小兒肥白甚驗

驚甲圓 治少小腹中結堅脇下有疹手足煩熱

方

驚甲

白芍

大黃 各三十銖

茯苓

柴胡

乾薑 各二十銖

桂心 六銖

麤蟲

蟬螬 各二十枚

右九味為末蜜和服如梧子七丸漸漸加之以知為度

驚頭圓 治小兒痞氣脇下腹中有積聚堅痛方

驚頭 一枚

甘皮 半兩

麤蟲

麤蟲

桃仁 各十八銖

右五味為末蜜丸服如小豆二丸日三大便不利

加大黃十八銖以知爲度

治小兒羸瘦憊憊宜常服不妨乳方

甘艸五兩爲末蜜丸一歲兒如小豆十九日三服盡卽更合

衍義

牛黃丸爲高粱者設芑硝紫丸爲藜藿者設方中

牛黃除熱痰療驚癇真珠定神志安魂魄杏仁投痰飲下逆氣巴豆逐乳癖蕩冷積附子破癥堅散積聚總行辛溫之力以行寒降之用也 芑硝紫

丸方中芑硝以代真珠之滌熱大黃甘遂以代牛

黃之蕩實半夏以代附子之破結在龔厲之子原

無藉於峻溫也 其治八歲已上十五歲已下兒

熱結痰實食減自下並用芍藥梔子知母大黃柴

胡升麻黃芩竹葉一派清熱之藥但熱甚則用黃

連桔梗細辛痰多則用枳實杏仁生薑原不必以

歲數拘也 牛黃雙丸以有心腹陽分之痛故於

牛黃丸中除去附子參入紫丸中甘遂佐芍藥黃

芩以蕩實熱之固結 牛黃驚甲丸以有癖實壯

熱故於後驚甲丸中除去麤蟲蟻螬噉血之味參

入牛黃厚朴麥麴枳實芎藭等味以滌除痰癖二

方俱參入桂薑以鼓牛黃大黃驚甲芍藥之力也

芫花丸中祇用雄黃一味不特振芫花大黃黃
芩下奪之威其宿蘊之積亦得從之下達矣 真
珠丸方卽於牛黃丸中專取真珠巴豆二味又於
雙紫丸中擇取麩仁以佐巴豆門冬以佐真珠藥
品愈減而功用愈專矣 蠶頭丸專取噉血之品
以攻血爲務乃抵當湯下瘀血湯之變方非若蠶
甲丸之於攻積藥中兼行破血也 一味甘艸蜜
丸治小兒羸瘦必因巴豆甘遂大黃牛黃等傷犯
胃氣而致惛惛不安故不假他藥但取解藥毒若
非藥蠱與此方無預

桂心橘皮湯 治小兒五六日不食氣逆方

桂心

人參

各半兩

橘皮

三兩

黍米

五合

成籜薤

五兩

右五味咬咀以水七升先煮藥煎取二升次下薤
米米熟藥成稍稍服之

衍義

桂心人參黍米俱溫理胃氣虛寒之藥兼橘皮以
發越參米補益之性更加成籜之薤專泄胸中逆
上之滯氣也

地黃圓 治少小胃氣不調不嗜食生肌肉方

乾地黃

大黃

各一兩六銖

茯苓

十八銖

當歸

柴胡

杏仁

各半兩

右六味為末以蜜丸如麻子大服五九日三

衍義

此專療胃中氣血不調飲食不為肌肉故專取地

黃治傷中逐血當歸治寒熱和脾柴胡升少陽生

氣杏仁下胸中逆氣大黃滌六腑實熱茯苓守五

臟真氣也

馬通粟圓 治少小脇下有氣內痛喘逆氣息難

往來寒熱羸瘦不食方

馬通中粟十八銖杏仁

紫苑

細辛各半兩

五味子

石膏

秦苑

半夏

茯苓

各六銖

右九味為末蜜丸服如小豆十九日三不知加至

二十九

衍義

馬通止血解毒而馬通中粟專散胃中積垢杏仁

細辛秦苑紫苑祛風利氣茯苓半夏利水豁痰石

膏五味化熱收津積散氣調痰清熱化而津自回

矣

治少小腹脹滿方

燒艾母指甲灰乳頭上飲之

又方

千金方衍義卷三十一
韭根汁和猪脂煎細細服之

又方

車轂中脂和輪下土如彈丸吞之立愈

又方

米粉鹽等分炒變色腹上摩之

衍義

取爪甲肝氣之餘以疎脾土之滯 韭根和猪脂以通腸胃之結 車脂和輪下土以疎土氣之壅

米鹽炒摩腹上以調水土之逆

當歸圓 治小兒胎寒嘔啼腹中痛舌上黑青涎

下方一名黑丸

當歸

狼毒各九銖

吳茱萸一作杏仁

川椒各半兩

細辛

乾薑

附子各十銖

巴豆十枚

豉七合

右九味擣八種下篩秤藥末令足研巴豆如膏稍稍內藥末擣令相得蜜和桑盃盛蒸五升米飯下出擣一千杵一月兒服如黍米一九日一夜二不知稍加以知為度亦治水癖

衍義

此於金匱九痛丸中除去人參而加細辛歸豉專辟腹中不正之氣豈特主胎寒腹痛而已哉當知九痛丸能治九種心痛而寒痛血痛蟲痛尤為致

効

馬齒礬圓 治小兒胎寒嘔啼驚癩腹脹不嗜食

大便青黃并大人虛冷或有實不可吐下方

用馬齒礬一斤燒半日以棗膏和大人服梧子

二九日三小兒以意減之以腹內溫為度有實

實去神妙

衍義

皂礬煨赤最散氣血結滯今名棗礬丸是也

治小兒忽患腹痛天矯汗出名曰胎寒方

煮梨葉濃汁七合可三四度飲之

衍義

梨性寒滑而煨熟食之則不傷脾胃梨葉煮濃汁

可治小兒胎寒腹痛當是棠梨之葉以棠梨能溫胃也

半夏圓 治小兒暴腹滿欲死方

半夏隨多少微火炮之擣末酒和服如粟米粒

大五九日三立愈

衍義

半夏一味專滌頑痰火炮酒服治腹痛全在炮治

得宜

治小兒霍亂吐利方

人參 一兩

厚朴

甘艸

各半兩

白朮 十八銖

右四味咬咀以水一升二合煮取半升六十日兒服一合百日兒分三服期歲兒分二服中間隔乳服之乳母忌生冷油膩等 一方加乾薑一分或加生薑三分

藿香湯 治毒氣吐下腹脹逆害乳哺方

藿香 一兩 生薑 二兩 青竹茹

甘艸 各半

右四味咬咀以水二升煮取八合每服一合日三有熱加升麻半兩

治孩子霍亂已用立驗方

人參 蘆籜 各半 菹豆藤 二兩

倉米 一撮

右四味咬咀以水二升煮取八合分溫服

又方

人參 一兩 木瓜 一枚 倉米 一撮

右三味咬咀以水煮分服以意量之立効

治小兒霍亂方

牛涎灌口中一合

又方

研尿滓乳上服之

治少小吐利方

亂髮

半兩燒灰

鹿角

六銖

右二味為末米汁服一升圭日三服

衍義

此於理中湯中去乾薑之守中易厚朴以泄滿即

四君子中去茯苓之淡滲易厚朴以溫散也 藿

香湯則專取竹茹之清胃得藿香以正氣甘艸以

和中借生薑之辛散以定霍亂也 其人參蘆籜

藕豆藤陳倉米專療霍亂止後胃氣虛乏 人參

木瓜倉米專治霍亂轉筋木瓜能於土中瀉木也

牛涎以滋坤土涎乃脾之津也 亂髮灰治五

癰關格利小便鹿角走肝腎督脉而有止漏下散

惡血之功血散漏止而吐利痊矣

治小兒癰

灸兩乳下一寸各三壯

癰疽瘰癧第八

論一首 灸法一首

方六十三首

漏蘆湯 治小兒熱毒癰疽赤白諸丹毒瘡癩方

漏蘆

肘後用

連翹

肘後用

白薇

芑硝

肘後用

甘艸

各六銖

大黃

一兩

升麻

一兩

枳實

一兩

麻黃

黃芩

各九銖

右十味咬咀以水一升半煎取五合兒生一日至

七日取一合分三服八日至十五日取一合半分

三服十六日至二十日取二合分三服二十日至

三十日取三合分三服三十日至四十日取五合

分三服肘後治大人各用二兩大黃三兩以水一斗煮取三升分三服其丹毒須針鏡去血

經心錄無連翹有知母芍藥犀角各等分

衍義

方以漏蘆立名專取利竅解毒表裏兼該以泄其邪升麻白藪助麻黃以開鬼門枳實芫硝助大黃

以潔淨府連翹黃芩甘艸則漏蘆之佐使也

五香連翹湯治小兒風熱毒腫腫色白或有惡

核瘰癧附骨癰疽節解不舉白丹走竟身中白

軫瘙不已方

青木香

薰陸香

雞舌香

沉香

麻黃

黃芩

大黃二兩

麝香三銖

連翹各六銖

海藻

射干

升麻

枳實各半兩

竹瀝三合

右十四味咬咀以水四升煮藥減半內竹瀝煮取

一升二合兒生百日至二百日一服三合二百日

至期歲一服五合一方不用麻黃

衍義風熱毒腫色白明是氣滯痰結故需五香達竅為

主其麻黃佐升麻以開肌腠枳實佐大黃以蕩腸

胃黃芩佐連翹以散風熱海藻佐射干以軟堅結

竹瀝專行經絡以開痰氣也

連翹圓 治小兒無故寒熱強健如故而身體頸

項結核瘰癧及心腹脇背裏有堅核不痛名為

結風氣腫方

連翹 桑白皮 白頭翁

牡丹 防風 黃柏

桂心 香豉 獨活

秦艽 各一兩 海藻 半兩

右十一味為末蜜丸如小豆三歲兒飲服五丸加

至十九五歲已上者以意加之

衍義方中防風白頭翁香豉以散風毒連翹秦艽桑皮

海藻以散氣腫然風藥氣藥非得血藥不能透達

榮分以散結核又須黃柏桂心寒熱交攻用牡丹

者專和黃柏桂心之寒熱也

治丹毒大赤腫身壯熱百病不折方

寒水石 十六銖 石膏 十三銖 藍青 十二銖冬用乾者

犀角 柴胡 杏仁 各八銖

知母 十銖

甘艸 五銖

羚羊角 六銖

芍藥

黃芩 各七銖

梔子 十一銖

竹瀝 一升

生葛汁 四合 澄清

蜜 二斤

右十五味咬咀以水五升并竹瀝煮取三升三合去滓內杏仁脂葛汁蜜微火煎取二升一二歲兒服二合大者量加之

麻黃湯 治小兒丹腫及風毒風疹方

麻黃 一兩半

獨活

射干

甘艸

桂心

青木香

石膏

黃芩 各一兩

右八味咬咀以水四升煮取一升三歲兒分爲四服日再

又方 治小兒惡毒丹及風疹方

麻黃

升麻

葛根 各一兩

射干

雞舌香

甘艸 各半兩

石膏 半合

右七味咬咀以水三升煮取一升三歲兒分三服日三

楊湯 治小兒數十種丹方

大黃

甘艸

當歸

芎藭

白芷

獨活

黃芩

芍藥

升麻

沉香

青木香

木蘭皮

各一兩

芫硝

三兩

右十三味咬咀以水一斗二升煮取四升去滓內

芫硝以綿搵湯中適寒溫搗之乾則易之取瘥止

治小兒溺竈丹初從兩股及臍間起走入陰頭皆

赤方

桑根皮切一斗以水二斗煮取一斗以洗浴之

治小兒丹毒方

擣慎火艸絞取汁塗之良其丹毒方具在別卷

治小兒赤遊腫若徧身入心腹卽能殺人方

擣伏龍肝爲末以雞子白和傅乾易之

又方

白豆末水和傅之勿令乾

治小兒半身皆紅赤漸漸引長者方

牛膝

甘艸

右二味咬咀合得五升以水八升煮三沸去滓和

伏龍肝末傅之

治小兒身赤腫起者方

熬米粉令黑以唾和傅之

又方

伏龍肝

亂髮灰

右二味為末以膏和傅之

治小兒卒腹皮青黑方

以酒和胡粉傅上若不急治須臾便死又灸臍

上下左右去臍半寸并鳩尾骨下一寸凡五處

各三壯

行義

丹毒總屬火證故用寒水石膏犀角羚羊柴胡
芩梔一派解毒散血清肝之劑專治從內燬發之

毒 麻黃湯方用麻黃桂心射干獨活皆主外內

合邪之證以分解蘊熱之勢其石膏黃芩青木香

甘艸仍不出乎正治之法也 其又方則全從事

於外解升葛射干即前方射干獨活佐黃芩之意

雞舌香即前方桂心導伏熱之意石膏甘艸則與

上二方無異也 楊湯清解表裏熱毒藥皆純良

無奇木蘭皮近世罕用攷諸本經治大熱在皮膚

中去面熱赤炮酒皴等證使熱從皮膚而散也

一味桑根皮煮湯浴之專取其散風熱也 慎火

艸絞汁塗之專取其解火毒也 伏龍肝末雞子

白和傅專取其散虛熱也 白豆與赤豆之狀不異但色白至氣分而解皮膚熱毒 牛膝甘艸皆生用煎取濃汁和伏龍肝末傅之功用與伏龍肝和雞子白傅之不殊 熬米粉以唾和傅取米能長肉黑能解毒也與前治小兒小腹腫滿用米鹽炒摩同意以鹽能更堅同源異派 伏龍肝亂髮灰和傅與前和雞子白傅少異以亂髮灰能散滯血也 小兒卒腹皮青黑用酒和胡粉傅專取鉛性鎮攝火毒也

五香枳實湯 治小兒著風熱痞癰堅如麻豆粒

瘡癢瘙之皮剝汁出或徧身頭面常常發者方

青木香 九銖 麝香 六銖 雞舌香

薰陸香 沉香 防風

秦艸 漏蘆 各半 升麻

黃芩 白薇 麻黃 各一兩

枳實 一兩 大黃 一兩 十銖

右十四味咬咀以水五升煮取一升八合兒五六歲者一服四五合七八歲者一服六合十歲至十四五者加大黃半兩足水爲一斗煮取二升半分三服

治小兒火灼瘡一身盡有如麻豆或有膿汁乍痛乍癢方

甘艸

白芍

白藜

黃芩

黃連

黃柏

苦參 各半兩

右七味爲末以蜜和傅之日二夜一亦可作湯洗之

治小兒上下徧身生瘡方

芍藥

川連

黃芩 各三兩

苦參 四兩

大黃 二兩

蛇牀子 一升

黃柏 五兩

拔莢 一斤

右八味咬咀以水二斗煮取一斗以兒洗浴

治小兒瘡初起燥漿似火瘡名燥瘡亦名爛瘡方

桃仁熟搗以面脂和傅之亦治遍身赤腫起

又方

馬骨燒灰傅之

水銀膏 治小兒熱瘡方

水銀

胡粉

松脂 各三兩

右三味以猪脂四升煎松脂水氣盡下二物攪令勻不見水銀以傅之

苦參湯 治小兒身上下百瘡不瘥方

苦參 八兩

地榆

川連

王不留行

獨活

艾葉

各五兩

竹葉 二升

右七味投咀以水三斗煮取一斗以浴兒瘡上浴
訖傳黃連散

治三日小兒頭面瘡起身體大熱方

升麻

柴胡

石膏

各六銖

甘艸

當歸

各十銖

大黃

黃芩 各十銖

右七味投咀以水四升煮取二升分服日三夜一
量兒大小用之

治小兒身體頭面悉生瘡方

榆白皮隨多少曝令燥下篩醋和塗綿以傅瘡
上蟲自出亦可以猪脂和塗之

衍義

五香枳實湯與五香連軹湯大同小異彼以毒腫

色白且有惡核癰癰故用連翹海藻射干竹瀝稟
堅滌痰之品以輔五香此治風熱痞癰堅如麻豆
故用防風秦芎白藪漏蘆透風利竅之品以輔五
香各隨佐使應用 其治小兒火灼瘡一身盡如

麻豆用芩連黃柏耑治熱毒白藪苦參散結止痛
白芍甘艸解毒和榮 小兒上下遍身生瘡卽於
前方除去白藪甘艸加大黃以合三黃并入蛇牀
菝葜以除痺濕之毒 其桃仁和面脂專取散血
之用 馬骨燒灰祛風止痛活血舒筋 水銀胡
粉松脂熬豬脂傅專行燥濕 苦參湯浴兒專取
苦燥以治濕熱 三日小兒胎毒焮發頭面瘡起
身體大熱故用石膏大黃黃芩引領毒從下泄升
麻柴胡乘機外分其勢當歸甘艸和其始生血氣
也 榆白皮性滑利竅得醋或豬脂和塗能使瘡

中之蟲自出

枳實圓 治小兒病風瘙癢痛如疥搔之汁出徧
身痞癩如麻豆粒年年喜發面目虛肥手足乾
枯毛髮細黃及肌膚不光澤鼻氣不利此則少
時熱盛極體當風風熱相博所得也不早治之
成大風疾方

枳實

菊花

蛇牀子

防風

刺蒺藜

白薇

浮萍

天雄

麻黃

漏蘆

各半
兩

右十味爲末蜜和丸如大豆許五歲兒飲服十九
加至二十九日二五歲已上者隨意加之兒大者
可爲散服

衍義

方中浮萍麻黃防風刺蒺菊花白薇專祛風毒外
泄枳實漏蘆專祛風毒內泄天雄蛇牀專祛經絡
中風毒不使伏藏而成惡疾也

治小兒風瘙癢疹方

蒟藳

防風

羊桃

石南

秦椒

升麻

苦參

茵芋

芫花一云芫蔚

刺蒺藜

蛇牀子

枳實

礬石

各一兩

右十三味咬咀以漿水三斗煮取一斗去滓內礬
令小沸浴之

衍義

方下雖治風瘙癢疹與前方主治不殊方中除枳
實蛇牀防風蒺藜四味相同其蒟藳羊桃石南苦
參茵芋芫花皆毒風痺濕拘攣藥惟秦椒升麻升
散熱邪礬石收斂濕熱豈特專主方下諸治哉

又方

牛膝末酒服方寸匕漏瘡多年不瘥搗末傅之

亦主骨疽癰疾瘰癧絕妙

衍義

牛膝專行筋脈本經治寒濕痿痺四肢拘攣膝痛不可屈伸千金治漏瘡多年不瘥及骨疽癰疾瘰癧非取其走肝榮筋之力歟

澤蘭湯

主丹及癰疹入腹殺人方

澤蘭

芎藭

附子

茵芋

藁本

莽艸

細辛

各十
二銖

右七味咬咀以水三升煮取一升半分四服先與此湯然後作餘治

衍義

丹毒癰疹毒陷入腹非用辛溫透之達表即用苦寒推之降泄用此澤蘭專行散血藁本芎藭細辛并祛風熱附子鼓茵芋莽艸逐風透毒之力也治小兒手足及身腫方

以小便溫暖漬之良

衍義

一切浮腫總是氣虛濕熱此用小便溫漬專解蘊蒸熱毒

論曰小兒頭生小瘡浸淫疼癢黃膏出不生痂連年不瘥者亦名妬頭瘡以赤龍皮湯及天麻湯洗之內服漏蘆湯不宜傅飛烏膏散及黃連胡粉水銀膏散

方具見別卷

藜蘆膏 治小兒一切頭瘡久即疼癢不生痂方

藜蘆

黃連

雄黃

黃芩

松脂

各二兩

猪脂

半兩

礬石

五兩

右七味為末煎令調和先以赤龍皮天麻湯洗訖

傳之赤龍皮即槲皮

治小兒頭瘡經年不瘥方

松脂

苦參

黃連

各兩半

大黃

胡粉

各一兩

黃芩

水銀

各一兩六銖

礬石

半兩

蛇牀子

十八銖

右九味為末以臘月猪脂和研水銀不見傳之

又方

取屋塵末和油瓶下滓以皂莢湯洗傳之

又方

髮中生瘡頂白者皆以熊脂傳之

治小兒頭瘡方

胡粉

一兩

川連

二兩

右二味為末洗瘡去痂拭乾傳之即瘥更發如前

傳之

又方

胡粉

連翹 各一兩

水銀 半兩

右三味以水煎連翹內胡粉水銀和調傅之

又方

白松脂

胡粉 各二兩

水銀 一兩

猪脂 四兩

右四味合煎去滓內水銀粉調傅之大人患同

衍義

藜蘆吐風痰藥兼芩連燥濕雄黃解毒礬石松脂

以收濕熱

赤龍皮煎湯洗除蟲及漏惡瘡天麻

療蠱毒惡風為治風毒要藥

其治小兒頭瘡經

年不瘥方即前方去藜蘆雄黃加大黃苦參蛇牀

胡粉水銀等皆祛濕熱之藥 屋塵油滓腐穢之

物取治腐穢之疾 熊脂逐風專治頭瘍白禿面

上疔炮 胡粉黃連 胡粉連翹水銀 胡粉水

銀松脂猪脂總傅小兒頭瘡咸取殺蟲燥濕之義

苦參湯 治小兒頭瘡方

苦參

黃芩

川連

黃柏

甘艸

大黃

芎藭 各一兩

蒺藜子 三合

右八味咬咀以水六升煮取三升漬布搗瘡上日

數過

衍義

芩連大黃黃柏苦參等一派苦寒藥中但得芎藭

一味和血蔘藜一味透風甘艸一味解毒煎湯漬

布頻搗瘡上自愈

治小兒禿頭瘡方

取雄雞屎陳醬汁苦酒和以洗瘡了傅之

又方

芫花臘月猪脂和如泥洗去痂傅之日一度

千金

翼治白禿

治小兒頭禿瘡方

葶藶子細末先洗傅之

又方

不中水蕪菁葉燒灰和猪脂傅之

治小兒頭禿瘡無髮苦癢方

野葛末

猪脂

羊脂各一兩

右三味合煎令消待冷以傅之不過三上

治少小頭不生髮一物楸葉方

楸葉擣取汁傅頭上立生

治小兒頭不生髮方

燒鯽魚灰末以醬汁和傅之

治小兒瘦瘡方

塚中石灰厚傅之良

又方

燒桑根灰傅之并燒烏羊角作灰相和傅之

治小兒疽癩方

丹砂

大黃 各三十銖

雄黃

漆頭藺茹

雌黃 各二十銖

馬齒礬

莽艸 各十銖

川連 三十銖

右八味咬咀以猪脂一升三合微火煎三上三下膏成去滓下諸色末攪凝傅之

治小兒惡瘡方

熬鼓令黃為末傅瘡上不過三傅愈

治小兒疽極月初即生常有黃水出方

以酢和油煎令如粥及熱傅之二日易欲重傅則以皂莢湯洗瘡乃傅之

治小兒月蝕瘡隨月生死方

以胡粉和酥傅之五日瘡

治月蝕九竅皆有瘡者方

燒蚯蚓屎末和猪膏傅之

治小兒浸淫瘡方

竈中黃土

髮灰

右二味各等分爲末以猪脂和傅之

治小兒黃爛瘡方

四交道中土 竈下土

右二味各等分爲末傅之亦治夜啼

又方

燒艾灰傅之

又方

燒牛屎傅之亦可滅癩

治小兒疥方

燒竹葉爲灰雞子白和傅之日三亦治疥瘡

又方

燒亂髮灰和臘月猪脂傅之

又方

以臭酥和胡粉傅之

治小兒頭面瘡疥方

麻子五升爲末以水和絞取汁與蜜和傅之若

有白犬膽傅之大佳

治小兒濕癬方

又枸杞根搗作末和臘月猪膏傅之

又方

桃青皮搗末和醋傅之日二

又方

煎馬尿洗之

又方

燒狗屎灰和猪脂塗之

又方

揩破以牛鼻上津傅之

治小兒身上生赤疵方

取馬尿洗日四五度

治小兒身上有赤黑疵方

取狗熱屎傅之皮自卷落

治小兒疔日方

以針及小刀子決日四面令血出莫近水三日

卽膿潰根動自脫落

衍義

雄雞屎下氣殺蟲以醬醋引入蟲口 芫花解毒

殺蟲以猪脂引入蟲口 葶藶破堅利水殺蟲與

芫花不殊 蕪菁治熱毒風腫 野葛治惡風水

腫殺蟲以毒攻毒也 楸葉拔毒排膿善透肌肉

鯽魚灰解毒散堅醬汁引入蟲口 塚中石灰

專散火毒 桑灰泄風去熱 烏羊角灰消堅解
毒相和傅之尤効 丹砂礬石雌雄二黃解毒大
黃黃連滌熱藺茹去惡肉敗瘡莽艸治大風癰腫
結氣 熬豉爲末以除惡毒異氣 醋和油煎專
滋風燥皂莢專解風毒 胡粉燥濕乳酥潤燥燥
潤兼濟專主月蝕耳瘡剝裂 蚓泥猪膏清熱解
毒 竈土髮灰收濕散血 交道士取其流動竈
下土取其溫暖以治爛瘡取其收濕 艾灰傅瘡
久不斂 牛屎灰傅久瘡滅癩 竹葉灰和雞子
白收濕解毒 髮灰猪脂散血潤燥 臭酖胡粉

潤燥燥濕 麻子潤燥犬膽殺蟲犬性熱而膽化
熱也 枸杞清熱散濕 青核桃皮擣和醋傅去
面上濕癬疥皰 馬尿牛津犬屎灰皆能殺蟲療
癬 又取馬尿洗兒赤疵犬屎傅兒身赤黑疵專
取穢以攻血漬也 鍼刀決目疣膿潰根自落勝
於傅貼也

小兒雜病第九 方一百十一首
灸法十三首

治小兒臍中生瘡方

桑汁傅乳上使兒飲之
又方

飲殺羊乳及血

治小兒風癩遂作惡瘡歷年不瘥方

取東壁上土傅之大佳若汁不止燒蒼耳子粉之

又方

乾蟻螬蟲末粉之不過三四度瘥

治小兒臍不合方

取車轄脂燒灰日一傅之

又方

燒蜂房灰為末傅之

治小兒臍中生瘡方

燒餽帶灰和膏傅之

治小兒臍赤腫方

杏仁 半兩

猪頰車髓 十二銖

右二味先研杏仁如脂和髓傅臍中腫上

白石脂散 治小兒臍汁不止兼赤腫方

以白石脂細研熬令微暖以粉臍瘡日三四度

衍義

桑汁解風熱 殺羊乳滋血燥 東壁土燥濕

蒼耳灰去風濕斂汗 蟻螬破血乾末粉身奪血

止汗 車脂灰通血脈滋燥 蜂房灰攻毒去風

餼帶灰通津收濕 杏仁猪髓解毒滋燥 白

石脂固脫杜風各詳見證取用

治小兒鵝口不能飲乳方

鵝屎汁瀝兒口中

又方

黍米汁塗之

又方

取小兒父母亂髮淨洗纏桃枝沾取并花水東

向向日以髮拭口中白乳以置水中七過瀝洗

三朝作之

治小兒心熱口為生瘡重舌鵝口方

柘根剉五升無根弓材亦佳以水五升煮取二

升去滓煎取五合細細傅之數次良

治口瘡白漫漫方

先以父淨髮拭口次取桑汁塗之

初義鵝屎汁截風解毒 黍米汁清胃化熱 淨髮拭

口去熱毒 柘根除腎經風熱 桑汁清肺熱口

白則胎毒上迫於肺也

治重舌舌強不能收唾方

鹿角末如大豆許安舌下日三四度亦治小兒

不能乳

又方

取蛇蛻燒末以雞毛蘸醇醋點藥掠舌下愈

治小兒重舌方

取田中蜂房燒灰酒和塗喉下愈

又方

衣魚塗舌上

又方

竈月下黃土末苦酒和塗舌上

又方

赤小豆末醋和塗舌上

又方

黃柏以竹瀝漬取細細點舌上良

治重舌方

灸行間隨年壯穴在足大趾岐中又灸兩足外

踝上三壯

治小兒舌上瘡方

蜂房燒灰屋間塵各等分和勻傅之

又方

桑白汁塗乳與兒飲之

又方

羊蹄骨中生髓和胡粉傅之

治舌腫強滿方

滿口含糖醋良

又方

飲殺羊乳卽瘥

衍義

鹿角治惡血散熱腫

蛇蛻截風毒

蜂房按驚

痰衣魚散風癩

竈土斂虛陽

赤小豆解熱

毒

竹瀝漬黃柏解胎熱去痰涎

蜂房桑汁並

解熱毒

羊蹄髓和胡粉鎮攝肺胃風熱

糖醋

斂肝脾之火 殺羊乳潤燥舒筋辟一切不正之

氣

治小兒口瘡不得吮乳方

大青 十八銖

黃連 十二銖

右二味咬咀以水三升煮取一升二合一服一合

日再夜一

又方

蜜 二斤

甘艸 如指大三寸

臘月猪脂 一斤

右三味合煎相得含如棗大稍稍咽之日三

又方

又礬石如雞子大置醋中塗兒足下二七遍愈

治小兒鷲口兩吻生瘡方

燒髮灰和猪脂傅之

治小兒口下黃肌瘡方

取羖羊髭燒灰和臘月猪脂傅之角亦可用

治口傍惡瘡方

亂髮灰

故絮灰

黃連

乾薑

右四味等分爲散以粉瘡上不過三遍

治口噤赤者心噤白者肺噤方

雞屎白棗大綿裹以水一合煮二沸分再服

治小兒口噤方

鹿角粉

大豆末

右二味等分和乳塗乳上飲兒

治小兒口中涎出方

驢乳

猪乳

各二升

右二味合煎得一升五合服如杏仁許三四服瘥

雀屎圓 治小兒卒中風口噤不下一物方

雀屎如麻子丸之飲下卽愈雞屎白亦佳

又方

以白羊屎內口中

又方

以東行牛口中沫塗口中及頤上又桑白汁塗之瘥

衍義

大青黃連治肝脾實火 甘蜜猪脂散脾胃虛火

醋礬雞清收斂濕熱 髮灰解毒散惡血 殺

羊鬚散血收濕 髮絮灰薑連末散血導火 雞

矢白下氣祛風 鹿角豆末散血解毒 驢猪乳

潤燥化風熱 雀矢辟風毒開噤 羊矢去火毒

化風熱 牛涎解脾胃蘊熱又桑白汁解肺胃風

熱分主手足太陰風燥

治小兒卒毒腫著喉頸壯熱妨乳方

升麻

射干

大黃

各一兩

右三味咬咀以水一升五合煮取八合一歲兒分

三服以滓薄腫上冷更暖以薄兒大以意加之

升麻湯 治小兒喉痛若毒氣盛便咽塞并治大

人咽喉不利方

升麻

生薑

射干

各二兩

橘皮 一兩

右四味咬咀以水六升煮取二升去滓分三服

治小兒喉痺腫方

魚膽二七枚以和竈底土塗之瘥

治小兒喉痺方

桂心

杏仁 各半兩

右二味為末以綿裹如棗大含咽汁

衍升麻上引大黃下泄射干專散咽喉結氣取其先

升後降也 升麻引射干上行散結薑橘開提痰

氣 鱈魚膽苦寒專散肝膽之火竈土專化脾胃

之熱 桂心導龍火杏仁下結氣從治之法也

治小兒解顱方

熬蛇蛻皮為末和猪頰車中髓傅頂上日三四

度

又方

猪牙頰車髓傅顱上瘥

半夏熨湯 治小兒腦長解顱不合羸瘦色黃至

四五歲不能行方

半夏

生薑

芎藭 各一斤

細辛 三兩

桂心 一尺

烏頭 十枚

右六味咬咀以醇苦酒五升漬之晬時煮三沸絞去滓以綿一片浸藥中適寒溫以熨顱上冷更溫

之復熨如前朝暮各三四熨乃止二十日可愈

治小兒解顛生蠟足傳方

生蠟足

白薇 各半兩

右二味搗末以乳汁和傅顛上立愈

治小兒解顛細辛傳方

細辛

桂心 各半兩

乾薑 十八銖

右三味為末以乳汁和傅顛上乾復傅之兒面赤

即愈

治小兒顛開不合方

方風 一兩

柏子仁

白芨 各一兩

右三味為末以乳和傅顛上日一十日知二十日

即愈

又方

取猪牙頰車骨煎取髓傅顛上愈

衍義

蛇蛻和猪頰車中髓傅頂開發風氣於上取髓以

通其腦 單用猪頰車髓亦得 腦長不合明係

風寒痰氣襲入故用薑半開痰芎辛散風桂心烏

頭辟除腦戶中邪氣 生蠟足散血續筋白薇散

結解毒 細辛薑桂能開發腦戶風寒而不致於

腦長知無痰濕故不用半夏其風寒之邪本淺故

不用芎藭骨力猶能任身故不用烏頭風入系頭
既久故不用生薑而用乾薑佐桂心以溫腦戶即
前半夏熨湯之變法 防風治惡風風邪柏仁除
風濕潤燥用白芩祛賊風痺緩總皆療腦風藥
用猪牙中髓通腦氣於上以無風毒故無取於蛇
蛻

小兒顛陷方

灸臍上下各半寸及鳩尾骨端又足太陰各一
壯

治小兒狐疝傷損生癩方

桂心十八銖

白朮一兩十八銖

地膚子二兩半

右三味爲末以蜜和丸白酒服如小豆七九日三
亦治大人

又方

芍藥

茯苓各十八銖

防葵一作防風

大黃各半兩

半夏

桂心

川椒各六銖

右七味爲末蜜和服如大豆一九日五服可加至
三丸

五等丸 治小兒陰偏大又卵核堅癩方

川柏

香豉

牡丹

防風

桂心

各二兩

右五味為末蜜丸如大豆兒三歲飲服五丸加至十九兒小以意酌量著乳頭上服之

治小兒卵腫方

取雞翅六莖燒灰服之隨卵左右取翮古今錄驗云治

陰大如斗

治小兒氣癩方

木瓜根

芍藥

當歸

各一斤

右三味咬咀以水二升煮取一升服五合日三

又方

三月上除日取白頭翁根搗碎隨偏處傅之一宿作瘡二十日愈

治氣癩方

灸足厥陰大敦左灸右右灸左各一壯

治小兒陰瘡方

以人屎灰傅之又狗屎灰狗骨灰又馬骨灰皆可傅之

治小兒岐股間連陰囊生瘡汁出先癢後痛十日五日自瘥或一月或半月復發連年不瘥方

灸灸瘡搔去痂帛拭令乾以蜜傅更按麪作燒餅
熟卽以飴塗餅上慰之冷卽止再度瘡

治小兒陰腫方

狐莖炙擣末酒服之

又方

灸大敦七壯

又方

斫桑木白汁塗之

又方

擣蕪菁薄上

又方

擣垣衣傅之

又方

以衣中白魚傅之

又方

猪尿五升水煮沸布裏安腫上

衍義

狐疝雖寒熱不同一皆屬於肝經故首推桂心通

肝散經白朮安脾逐濕地膚專利小便以泄濕熱

也 又方芍藥茯苓疎肝家濕熱防葵大黃泄疝

瘕結熱半夏一味專理痰濕桂心川椒開肝脾之

嚮導 五等丸專主濕熱偏墜黃柏清熱燥濕防
鼓散下焦風牡丹和下焦血桂心為熱因熱用之
嚮導 雞屬翼走肝六翮又為風之所發專主風
襲肝經之疝 土瓜根散血歸芍和血專主瘀血
凝滯之疝 白頭翁通風逐血專主少陽陽明風
熱固結之疝 股瘡灸之不瘥取蜜以潤血燥麩
餅乘熱以飴塗熨取以助肝氣也 狐莖常縮入
腹達肝最捷同氣相感之妙用也 桑汁塗風熱
蕪菁薄熱腫 垣衣傅熱毒 衣魚散風腫 猪
矢解蘊蒸之熱也

治小兒陰瘡方

取狼牙濃煎汁洗之

又方

黃連胡粉等分以香脂油和傅之

治小兒核腫壯熱有實方

青木香

甘艸

石膏

甘遂

各十
八銖

麝香

三銖

大黃

前胡

各一
兩

黃芩

半兩

右八味咬咀以水七升煮取一升九合每服三合

日四夜二

驚頭圓 治小兒積冷灸不瘥後餘脫肛不瘥腹

中冷肛中疼痛不得入者方

驚頭 二枚灸 合焦 磁石 四兩 桂心 三兩

小蝟皮 一枚灸 合焦

右四味為末蜜丸如大豆兒二歲至五歲服五丸至十九日三兒大以意加之

衍義 狼牙殺蟲止痛 黃連胡粉解熱收濕 青木香

前胡下結氣甘艸石膏化結熱大黃黃芩甘遂瀉濕熱麝香開關竅 驚頭收肝氣之緩磁石固腎氣之脫桂心散肝血之滯蝟皮破膀胱瘀積也

小兒脫肛方

灸頂上旋毛中三壯即入又灸尾翠骨三壯又

灸臍中隨年壯

治小兒疳濕瘡方

鐵衣著下部中即愈

又方

灸第十五椎俠脊兩傍七壯未瘥加七壯

治小兒疳瘡方

以猪脂和胡粉傅之

又方

嚼麻子傅之日六七度

又方

羊膽二枚和醬汁於下部灌之猪脂亦佳

治濕瘡方

濃煎地榆汁洗浴每日二度

治小兒久痢膿濕蠶方

艾葉五升以水一斗煮取一升半分為三服

除熱結腸圓 斷小兒熱下黃赤汁沫及魚腦雜

血肛中瘡爛坐蠶生蟲方

川連

藥皮

苦參

鬼臼

獨活

橘皮

芍藥

阿膠

各半兩

右八味為末以藍汁及蜜丸如小豆日服五丸至

十丸

冬無藍汁可用藍子一合春蜜和丸

衍義

疳瘡內蘊濕熱外顯血燥故用鐵衣以降濕火

胡粉猪脂兼濟收濕潤燥之治 麻子專取潤燥

羊膽專取化熱 地榆散血止痛 艾葉溫血

化蠶 結腸丸專泄濕熱僅用鬼臼以殺毒邪獨

活以散風熱

治小兒虻蟲方

削棟木上蒼皮以水煮取汁飲之量大小多少
爲此有小毒

治小兒羸瘦有虬蟲方

藿蘆二兩以水一升米二合煮取米熟去滓與
服

又方

篇蓄三兩水一升煮取四合分服之搗汁服亦
佳

又方

桃白皮三兩 東引吳茱萸根白皮四兩

右二味咬咀以酒一升二合漬之一宿漸與服取
瘥

又方

取猪膏服之一云治
蟯蟲

又方

搗槐子內下部中瘥一云治
蟯蟲

又方

棟實一枚內孔中一云治
蟯蟲

治寸白蟲方

東行石榴根皮一把水二升煮取三合分服

又方

桃葉擣絞取汁服之

治小兒三蟲方

雷丸

芎藭

右二味各等分爲末服一錢七日三

治大便竟出血方

驚頭一枚炙令黃黑爲末以飲下五分七多少
量兒大小日三服

衍義

棟皮苦寒治濕化蟲

藿蘆涼潤解毒清熱

菹

蓄利水治浸淫濕熱

桃皮殺蟲莢根除濕

猪

脂專引肛門蟻蟲

槐子專清大腸濕熱

棟實

苦寒與棟皮同功

榴皮祛濕

桃葉化蟲

雷

丸殺蟲芎藭和血

驚頭收肛專散肝經濕熱

治小兒尿血方

燒鵲巢灰并花水服之亦治夜尿淋

又方

灸第七椎兩傍各五寸隨年壯

衍義

小兒尿血多緣肝受風熱不能藏血故取久受風
氣之鵲燒服以散肝風風散則血自寧矣

治小兒遺尿方

瞿麥

石韋

龍膽

皂莢

桂心

雞腸艸

人參各一兩

車前子一兩六銖

右八味為末蜜丸每食後服如小豆大五九日三加至六七九

又方

小豆葉搗汁服

又方

燒雞腸為末漿水服方寸七日三

又方

灸臍下一寸半隨年壯

又方

灸大敦三壯亦治尿血

衍義

小兒遺尿多屬肝氣之熱故用瞿麥石韋龍膽雞

腸車前一派清熱利水之藥兼桂心以司開閤之

權人參以助清熱之力皂莢以振滌垢之威不使

關闢有所阻積而失權度 小豆葉清熱 雞腸

末利水皆疎利九竅之品

地膚子湯

治小兒熱毒入膀胱中忽患小便不

通欲小便則澀痛不出出少如血須臾復出方

地膚子

瞿麥

知母

黃芩

枳實

升麻

葵子

猪苓 各六銖

通艸

海藻

橘皮 各三銖

大黃 十八銖

右十二味咬咀以水三升煮取一升一日至七日
 兒服一合為三服八日至十五日兒一合半為三
 服十六日至二十日兒二合為三服四十日兒以
 此為準五十日已上七歲已下以意加藥益水
 治小兒淋方
 車前子一升水二升煮取一升分服

又方

煮冬葵子汁服之

又方

取蜂房亂髮燒灰以水服一錢七日再
 治小兒小便不通方

車前艸 切一升

小麥 一升

右二味以水二升煮取一升二合去滓煮粥服日
 三四

又方

冬葵子一升以水二升煮取一升分服入滑石

末六銖

衍義

小兒腎氣完固熱毒流入膀胱自當專力苦寒以利關竅獨用升麻升舉上氣海藻疎達下源使熱泄水利無復艱阻之慮矣 車前利水而不傷津冬葵利竅而兼活血 蜂房髮灰善散膀胱瘀血 卷耳利水同小麥益肝煮粥以養胃氣并杜虛熱之復擾 冬葵利竅活血入滑石尤捷與車前小麥隱然有虛實之分

治小兒癩方

蜥蜴一枚燒末酒服之

衍義

癩是濕熱阻積滲入經隧之患蜥蜴能吐雹祈雨為利水破結之峻藥外臺千金恒用之

治小兒吐血方

燒蛇皮為末以乳服之并治重舌

又方

取油三分酒一分和之分再服

衍義

小兒吐血有毒熱無虛寒故宜去風解毒為務蛇蛻燒灰不特截風兼能止血血本肝藏所藏也

其用香油解毒必兼醇酒和血總無藉於培養血氣

治小兒鼻塞生息肉方

通艸

細辛 各一兩

右二味搗末取藥如豆著懸頭內鼻中日三

治小兒鼻塞不通濁涕出方

杏仁 半兩

蜀椒

附子

細辛

各六銖

右四味咬咀以醋五合漬藥一宿明日以猪脂五合煎令附子色黃膏成去滓冷更以塗絮導鼻孔中日再兼摩頂

衍義

通艸利竅散濕細辛利竅散風風散濕去則經脈

條暢何有壅塞息肉之患乎 杏仁下氣蜀椒温

中附子逐濕細辛去風皆利竅之品其用醋者藉

以引領諸藥入於肝經且遏椒附之性緩行不驟

也

治小兒聾耳方

末石硫黃以粉耳中日一夜一

治小兒耳瘡方

燒馬骨灰傳之

又方

燒雞屎白筒中吹入

衍義

硫黃溫散專治陰中蘊積之垢 馬骨灰祛風散

熱 雞屎白下氣散濕審其因而用之

治小兒齒落久不生方

取雄鼠屎二七枚以一屎拭一齒根處盡此上

衍義

齒屬腎而鼠矢專資天一生水之源或用砒鉞出

血以鼠骨灰操指尤効

治小兒四五歲不語方

末赤小豆酒和傅舌上

又方 灸足兩踝各三壯

衍義

赤小豆上通心包下達小腸乃清熱利竅之品得

酒和傅舌下滲入廉泉則心胞清淨而聰自發於

靈臺慧自達於喉舌矣

治小兒不能乳方

衍義

雀屎四枚為末著乳頭飲兒兒大十枚

雀矢專滌胃中痰涎垢膩清而乳食自如慎

勿疑於乳癖而妄行攻擊也

蒲黃湯 治小兒落牀墮地如有瘀血腹中陰陰

寒熱不肯乳哺但啼哭叫喚方

蒲黃

麥冬

大黃

黃芩

各十銖

甘艸

八銖

芒硝

七銖

黃連

十三銖

右七味咬咀以水二升煮取一升去滓內芒硝分

三服消息視兒羸瘦半之大小便血即愈忌冷食

衍義

乳哺啼叫明係火氣用事腹中陰陰定屬血滯有

形故需蒲黃芒硝以散瘀積芩連大黃以瀉胎熱

門冬甘艸以滋胃中津氣非審證之確何能至此

治小兒食不知飢飽方

鼠屎二七枚燒為末服之

衍義

鼠屎燒灰以清理先天之虛氣

治小兒食土方

取肉一斤繩擊曳地行數里勿洗火炙與食

衍義

取血肉之物沾行動之土炙而食之以攻中土蟲

積投其所喜以誘入蟲口也

治小兒噓方

生薑汁

牛乳

各五兩

右二味煎取五合分二服

又方

取牛乳一升煎取五合分五服

衍義 噦屬胃氣虛寒牛乳滋胃中血氣薑汁散胃中虛冷亦有素稟多火火逆上衝而噦但取牛乳潤燥不得復用薑汁

治小兒疰方

竈中灰鹽等分相和熬熨之

衍義 灰鹽溫熨經脈漸通

治小兒慢吞鍼方

取磁石如棗核大或吞或含其鍼立出

小兒慢吞鐵物等方

艾蒿一把剉以水五升煮取一升服之即下

衍義

磁石引鍼如母召子含則取其上引吞可使隨下

脫 艾蒿下鐵取其純陽以運重著何憚不下趨

耶

治小兒蠅螻咬遶腹匝即死方

擣蒺藜葉傅之無葉子亦可

又方

取鷲窠中土猪脂和傅之乾則易之

衍義

蠅螻稟陰濕毒故其溲著人皮膚即時腐爛千金

取白蒺藜葉傅之以其能散惡血也 胡鷲窠中

土猪脂和傅以其能收濕解毒也近世以鐵銹水

塗蠟螻瘡取其能墜熱開結平肝消腫也

張介賓曰千金小兒諸證無所不備獨不及痘疹之方者以痘疹起於南粵斯時秦中尚無此患耳

孫真人千金方衍義卷五下

終

